

Na osnovu člana 27. i člana 29. Zakona o ustanovama („Službeni glasnik Bosne i Hercegovine“, broj 6/92, 8/93 i 13/94), član 7. stav (1) i član 8. stav (1) i (2) Zakona o ministarstvima, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/3, 34/3 i 65/13), člana 23. stav (1) Zakona o pozorišnoj djelatnosti („Službene novine Kantona Sarajevo“ broj: 42/13 i 6/16) i člana 16. stav (2), člana 19. stav (2) i člana 20. Pravila Javne ustanove „MES – Međunarodni teatarski festival – Scena MESS“, (broj: 257/16, 02-XII-844/21, 02-II-60/23 i 02-II-109/24), člana 22. Pravilnika o unutrašnjoj organizaciji i sistematizaciji radnih mjesta J.U. „MES - Međunarodni teatarski festival - Scena MESS“ broj: 02-VI-369-1/18, 02-VIII-442-1/19, 02-XII-845/21, 02-II-110/24 i Odluke Upravnog odbora o raspisivanju javnog konkursa za izbor i imenovanje direktora Javne ustanove „MES - Međunarodni teatarski festival - Scena MESS“ broj: 02-V-425/25 od 5.5.2025. godine, objavljuje se:

**Javni konkurs
za izbor i imenovanje direktora
Javne ustanove „MES - Međunarodni teatarski festival - Scena MESS“**

I. Naziv, sjedište i internet adresa ustanove: Javna ustanova „MES - Međunarodni teatarski festival - Scena MESS“, Maršala Tita 54/I, 71000 Sarajevo, BiH, telefon: +387 33 200 392, fax: +387 33 211 972, e-mail: info@mess.ba, web: www.mess.ba.

II. Opći uslovi za imenovanje:

1. da je stariji od 18 godina;
2. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs;
3. da se na njega ne odnosi član IX 1. Ustava Bosne i Hercegovine;
4. da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u institucijama vlasti Bosne i Hercegovine;
5. da nije osuđivan za krivično djelo ili prekršaj nespojiv sa dužnošću Direktora;
6. da nije na funkciji u političkoj stranci u smislu odredbe člana 5. Zakona o ministarstvima, vladinim i drugim imenovanjima Federacije Bosne i Hercegovine;
7. da nema angažman u privatnom preduzeću u uvjetima u kojima se stvara sukob interesa nespojiv sa javnim funkcijama izabranog dužnosnika, nositelja izvršne funkcije ili savjetnika;
8. da je zdravstveno sposoban za obavljanje dužnosti Direktora.

III Posebni uslovi za imenovanje:

1. VSS (VII stepen stručne spreme) ili završen drugi ili treći ciklus bolonjskog sistema studiranja - jedna od umjetničkih akademija, filozofski fakultet ili arhitektonski fakultet;
2. da ima najmanje 6 (šest) godina radnog staža u struci nakon univerzitetske diplome od čega najmanje 3 (tri) godine na rukovodnim poslovima uz obavezno radno iskustvo na poslovima iz oblasti kulture i umjetnosti od najmanje dvije (2) godine nakon sticanja univerzitetske diplome;
3. da je regionalno i internacionalno afirmisan u svojoj oblasti;
4. da se ističe organizacionim sposobnostima;

5. da ima aktivno znanje stranih jezika (obavezno engleskog ili njemačkog jezika) koje se dokazuje verifikovanim dokumentom ili drugim validnim dokazom.

Kandidat za Direktora MES-a dužan je uz prijavu na konkurs dostaviti dokaze o ispunjavanju općih i posebnih uslova i prijedlog Programa rada i razvoja MES-a za mandatni period.

IV Opis poslova i radnih zadataka:

1. zastupa i predstavlja J.U. „MES - Međunarodni teatarski festival - Scena MESS“;
2. odgovoran je za zakonitost rada J.U.MES;
3. predlaže Upravnom odboru mjere za efikasno i zakonito obavljanje djelatnosti radi kojih je ustanova osnovana, unutrašnju organizaciju i sistematizaciju poslova i osnove planova rada i razvoja J.U.MES;
4. izvršava odluke Upravnog odbora;
5. naredbodavac je za izvršenje finansijskog plana;
6. odgovoran je Upravnom odboru za rezultate rada i finansijskog poslovanja J.U.MES;
7. učestvuje u radu Upravnog odbora J.U. MES bez prava glasa;
8. imenuje i razrješava umjetničke rukovodioce;
9. odlučuje o pravima, obavezama i odgovornostima uposlenika iz radnog odnosa;
10. vrši druge poslove u skladu sa zakonom i Pravilima ustanove.

V Period na koji se imenuje:

Mandatni period od četiri godine.

VI Mjesto obavljanja rada i vrijeme rada:

J.U. „MES - Međunarodni teatarski festival - Scena MESS“ / Maršala Tita 54/I, 71000 Sarajevo, BiH, radno vrijeme 40 sati sedmično raspoređenih u pet radnih dana od ponedjeljka do petka.

VII Rok u kojem se podnose prijave:

15 dana od dana objavljivanja u Službenim novinama Federacije Bosne i Hercegovine.

Konkurs će biti objavljen u Službenim novinama Federacije Bosne i Hercegovine, dnevnim novinama Oslobođenje dana 9.5.2025. godine, web stranici Ustanove (www.mess.ba) i web stranici Ministarstva kulture i sporta KS.

VIII Telefon kontakt osobe zadužene za davanje dodatnih objašnjenja: Alen Bukva, telefon +387 33 200 392, e-mail: alen@mess.ba

IX Adresa na koju se podnose prijave: Prijave sa dokazima o ispunjavanju uslova iz konkursa slati preporučeno na adresu J.U. „MES - Međunarodni teatarski festival - Scena MESS“, Maršala Tita 54/I, 71 000 Sarajevo.

X Dokumentacija koja se podnosi uz prijavu

Svojeručno potpisana prijava na javni konkurs sa kratkom biografijom, kontakt podacima i sljedećom dokumentacijom:

1. Diplomu o stečenoj stručnoj spremi ili akademskom zvanju;
2. Izvod iz matične knjige rođenih;
3. Uvjerenje o ostvarenom radnom stažu sa šifrom zanimanja koje izdaje Fond za penzijsko - invalidsko osiguranje ili potvrda o ostvarenom radnom iskustvu kod

poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog iskustva koje je kandidat obavljao;

4. Dokaz o poznavanju minimalno jednog svjetskog jezika – obavezno engleskog ili njemačkog (uvjerenje/certifikat ili potvrda o aktivnom znanju stranog jezika izdato od škole ili druge institucije koja se bavi edukacijom stranih jezika, diploma ili druga isprava koja potvrđuje stečeno zvanje ili zanimanje koje je neposredno vezano za znanje stranog jezika; Uvjerenje o položenim ispitima s ocjenom iz pojedinih predmeta, Dodatak diplomi završenog fakulteta).

5. Izjava ovjerena kod nadležnog organa da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs;

6. Izjava ovjerena kod nadležnog organa da se na kandidata ne odnosi član IX 1. Ustava Bosne i Hercegovine;

7. Izjava ovjerena kod nadležnog organa da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organima vlasti BiH;

8. Izjava ovjerena kod nadležnog organa da nije osuđivan za krivično djelo i za prekršaj nespojiv sa obavljanjem dužnosti direktora;

9. Izjava ovjerena kod nadležnog organa da nije na funkciji u političkoj stranci u smislu odredbe člana 5. Zakona o ministarstvima, vladinim i drugim imenovanjima Federacije Bosne i Hercegovine;

10. Izjava ovjerena kod nadležnog organa da nema angažman u privatnom preduzeću u uvjetima u kojima se stvara sukob interesa nespojiv sa javnim funkcijama izabranog dužnosnika, nositelja izvršne funkcije ili savjetnika;

11. Program rada i razvoja za mandatni period.

XI Po konačnosti odluke o imenovanju kandidata, imenovani kandidat je dužan dostaviti uvjerenje o zdravstvenoj sposobnosti, a ostali kandidati svoje dokumente mogu preuzeti lično u prostorijama J.U. „MES - Međunarodni teatarski festival - Scena MESS“ na adresi Maršala Tita 54., 71 000 Sarajevo.

Sve dokumente je potrebno priložiti u originalu ili ovjerenoj kopiji.

XII Način predaje dokumentacije: Prijava sa dokumentacijom dostavlja putem pošte preporučeno na gore navedenu adresu u zatvorenoj koverti sa naznakom "Prijava na javni konkurs za izbor i imenovanje direktora - ne otvaraj".

Napomena: nepotpune i neblagovremene prijave neće se uzimati u razmatranje.



Predsjednica Upravnog odbora

Lejla Hodžić

Broj: 02-V-426/25

Sarajevo, 5.5.2025.godine